

陳鑒之

徐集

孫

陳允平

國家圖書館 NATIONAL CENTRAL LIBRARY, TAIWAN, R.O.C.



東齋小集

三山陳鑒之剛父

元名環

送鄭嚴州四首之幷



諸賢適江海梧竹孤鳳吟願言正王度祈
招嗣清音亦爲膠西董反慰及物心未可
賦柏舟天眷宗社深

父老迎使君舟楫桐江波耶知使君心一
片烟雨蓑杖藜對客語清風雙嵯峨沙鷗
公故人應爲小婆婆

國家圖書館, NATIONAL CENTRAL LIBRARY, TAIWAN, R.O.C.

嚴山少平田嚴俗稀情民書生坐黃堂肯
詫矧及新定以清淨化坐嘯物自春綠野
人荷鋤使君聊岸巾

善端誰獨無所化有蘭鮫時容拜床下孺
子似可教山川頓修阻心折東去棹徘徊
隄柳春帆腹風欲飽

遣興

踏遍苔谿石梅花又滿林山川春入望宇
宙月知心一紀別鄉井八年無雁音危巢
老松頂日暮有歸禽

會稽秋日觀山

荒陞間流水蠹葉風颼颼前山與幽人亭
亭共清秋遠近日明晦隱見人去留木末
一叟歸犬鳴茅舍幽憶昔興午東劍佩森
名流勝地慰遠懷茲焉久綢繆漁磯與樵
徑今有斯人不池石老苔髮空餘螺蚌遊
世有古今異郢歌聊自酬醉眼時摩挲此
山即前修

過吳江

垂虹四年別，森森來夢境。今晨整芒屨，柳風吹鬢影。春光徹重溷，蛟困綠波靜。遠帆有無處，小立爲徐領。浩歌翁自得，白髮亂垂頭。一室世誰如，三萬六千頃。平生卜鄰意，此際味差永。翁肯平分與，吾其辦漁艇。

垂虹吳江橋名

暮登蓬萊閣

危欄散湮鬱，已暮亦登臨。鼓角孤城月，山川萬古心。鶴樓松霧重，鷗卧渚烟深。客子終何託，婆婆且醉吟。

秋晚

瘦盡芙蓉菊，又殘客遊懷。抱甃登山秋，光老矣歸何處。只在愁人雙鬢間。

晚登京口倅廳留覽二首

窮途逢偉觀，小閣江萬里。薄暮岸幅巾，寒烟四山起。天河注平淮，斗柄卧蘆葦。欲返還少留，燈青客船尾。

孫劉昔虎視鐵騎如風雷白水列蒼嶂今
馬侑予杯功名說一時空雲暫崔嵬衲子
真英雄一龕老岩隈

古詩四首奉寄陳宗之兼簡教臞

翁

雌雄烏一色烈焰玉石分子桑十日雨英
粲君摩雲麈尾失羈思襟裾蘭蕙分是豈
如螿驅書圃同鋤芸

君隱萬人海嘯咏足豚流戒墮寂莫濱嵌
岩一筇秋蟠鬱向誰吐天圍蘆荻洲劈箭
客帆去何日回吾舟

甘旨娛母顏雍雍春滿室呶啞索梨棗諸
兒爭遶膝波明再茁桐露滌清吟筆人生
如此作富貴刀頭蜜

亭亭會山閣四面秋澄鮮盤礴一代英披
衣俯飛鳶邇來幾星聚清尊壑雲烟九轉
得竒訣分惠母獨仙

西湖晚望

東齋

四

過雨長隄葱翠濕小橋人靜支筇立一縷
竿頭顫霜鯽風動青蒲見蓑笠

京口江閣和友人韻

良辰仍我輩斗酒大江邊小閣納萬里一
帆來九天世塵黃閣外詩興白鷗前地勝
吾哀矣長懷李謫仙

題鄭承事所作蕙蘭三首

蘭如君子蕙如士此評吾得之涪翁有餘
不足姑勿論畢竟清幽氣類同

託迹不辭巖谷深異于蕭艾亦何心清風
披拂自多事斜日淡雲香滿林

鄭君欲與蘭寫真心神暗與蘭俱春詩家
三昧正如此境與意會今何人

晚涼湖邊放步

暑氣湖山薄晚風巾袂涼蟬鳴俊柳蔭鷺
立領荷香大舸鼓聲小軒茶味長獨遊
元夏好細細踏斜陽

有感

淋雨何人記子桑朱門車馬漲塵黃百年
友誼須英槩畫虎何妨效季良

月下見桂花欣然會心賦二十八

字

萬卉千葩春事足一岩桂自壯秋光清冷
風露月侵午天上人間相對香

同劉叔泰放步湖邊入靈芝寺坐

依光良久叔泰誦坡仙好把西

湖比西子之句予因賦舌風

劉郎喚我出勝處意所便清寒柳桃風濃
淡杉檜烟僧爐自生香步遠古佛前依光
偶不局坐數翁聯翩平林度清磬遙隄簇
歸船湖山露真態鷗點溶溶天形容幾吟
筆剛道妝抹妍莫作西子看真如姑射仙
相知喜值予微笑生清連

探梅

驢 飄寒獵帽袞吟肩山聳酒微醺彎彎
竹迳霏霏雪小小溪橋淡淡雲忽邂逅時

真得侶向空濛處細飄芬回天力量知誰
似笑輓春來首策勛

再到京口

問訊金焦亡恙否雙鰲依舊據寒流塔邊
浪戰嵌岩石木末雲扶縹緲樓楓葉蓼花
新醉雨山容客鬢兩添秋海天一鏡舟如
豆忘却塵緇季子裘

與客夜飲蠟燭有花客請賦之

圓蒲促坐話情真蠟炬能花似有神畢竟
蜂鬚膏馥在酒邊依舊十分春

蔣寔齋出示益浩然畫像因賦二

絕

吟鞭遙指鹿門歸水色山光件件詩縮項
鱖魚元自好當年應悔識王維

誦詩縱不忤龍顏榮貴無過是好官未必
一僮隨瘦馬千年傳作畫圖看

送方粹仲適會稽

正好鑪亭語夜分朔風征帽浙江濱天低

雁帶參差樹山遠舟橫黯淡雲
龜解不妨時換酒鯨吐元自妙
爲文千岩萬壑心如
水二尺檠邊剩著勛

到三聖廟坐池亭久之記以四十

字

倦踏軟塵陌琳宮取次行
紅桃窺漱澗翠柳立虛明
眼底得詩料耳根猶市聲
黃冠邀啜茗還有舊交情

同潘孔時飲搃宜園孔時出寶晉
數帖呼道人吹簫次日有詩予

用韻答之

六橋秋新宜醉吟舉杯共聽
岩雀音危亭三面立老竹寶
晉數帖清人心涼蟬不敢
喧夕曛洞簫聲繞山腰雲
搖搖歸艇水紋裂山紫天
青河漢白想君獨立對空
濶一鷺毛寒藕花月

包家山和潘孔時

危闌納 萬里天此景不作西子妍
荒蹊

斗折喬木末小亭碁布層崖顛陽侯作意
娛我醉潮頭咫尺來尊前遊蜂低徊殢花
露一鳥急去拖林烟年來祇可作橋隱四
人聊學商山仙

送陳仁叔之越

生世可無友吾友得仁叔行已嚴尺度色
夷氣清穆蠅頭觀態塵尾露心曲大江
渺愁人風欲飽帆腹重陽兩日是不共一
杯菊吾儕跡浮萍同是客京轂作計俱出
此正爾未免俗倘有廩可指一笑如魯繭
寒窓共短檠何用我征軸所以窮杜陵恨
欠突兀屋波寒淨沙石露重老林木莫言
衣帶水後會殊未卜越山君舊遊我亦曾
寄目邇來平安否細與問修行

寄題長溪楊恥齋梅樓樓乃其先

世讀書之所

乃翁愛書書滿樓萬軸挿架堪汗牛乃翁
愛梅梅遶樓千年老幹如霜蚪梅護群書

俗緣絕書對梅梢滋味別有時掩卷靜倚
闌簷角一枝擎淡月雁行編簡相從久筆
研收功竟無負後登進士
第第右科兒孫登樓凜生
敬謂此梅花乃先友一新丹護煥斫樵黃
卷依然對姬孔汲泉不是灌梅花培養君
家讀書種袍香青紫雲路同盛事何翅繼
乃翁後來應有跨竈者百花頭上文正公
吾知乃翁好梅意不獨區區爲名第霜颯
天地慘無色誰得東皇第一義惟梅氣稟
獨超卓首送春風入書幄對之心地悟理
學此是天民尹光覺

春晚野步

容易老春工扶藜趁好風蛙跳蒲細細燕
乳絮濛濛沽酒亦能醉有懷誰與同長松
古鬚鬢無語對繁紅

客新安賦喜雨歌呈守齋倪使君
良苗正要雨肥綠火傘張空驅日較枝頭
忽作少女風轉眼排檐萬銀竹爲新安民

殊可憐挿空亂爨無多田雨繞終日水半
壁方晴又望霓橫天是邦若要宜稼穡好
似嬰兒調乳食祇令田甫渴甘澍賢侯憂
民見顏色鼓聲坎坎神來臨不歆牲酒歆
侯心土神汪玉甚靈
史君禱之得雨睡龍蘓醒聽約束擎
攫雲霧層崖陰澗泉將澗兮亂流嘉穎欲
槁兮光浮田翁戴笠兒跨牛欣欣相對歌
賢侯寧言一雨神所賜非侯何以蒙神庥
天惠賢侯福吾土長是五日一風兮十日
一雨

守齋和張倅古岩詩予用韻賦三

絕呈守齋

天然石屋两三僧趺坐寒風几上生想見
瓦爐烟斷處一函經對萬松清
貳車林下喜逢僧眠底千峰逸興生五馬
未遊心已到吟牋零亂岫雲清
淡泊賢侯似衲僧功淡心地棗梨生畫堂
歌舞聊娛客客退依然禪榻清

題問政山房

于方外兄德誨為新安太守於
郡之東山築屋以居方外號
為問政山房

憑軾邦君侈畫熊却來問政翠崖翁祇應
兄念元真子不是堂無齋蓋公千載棣華
垂盛事兩叢慈竹亦清風跨鸞時過宣平
老明月簫聲在半空

守齋示予遊問政山和陳廣文詩

不用韻呈守齋

小隊名山訪古歸雪雲不解聽招麾瓊瑤
千嶂挿空濶珠璧一詩爭崛竒逸興聊茲
遊赤石民安何待化潢池妓圍如畫心如
水鬢髮從渠映玉碑

玉碑見
盧全集

夏夜

鵲影翻高樹螢光出淺莎墻低天宇濶樓
小月明多清吹徐徐至微雲緩緩過欲談
無與共默坐養天和

題陳景說詩稿後

今人宗晚唐琢句亦清好碧海掣長鯨君
慕杜陵老

月明孤嶼雲一鶴唳清夜和之以君詩竹
捕寒燈下

倚馬揮萬言跨驢哦一字遲速不須論
雲看竒思

和守齋戶部家居書懷

抽身龍尾外一壑本來心書卷竹陰潤筆
牀花氣侵光增魏笏雅趣寓陶琴隱几
時搜句忘言兀似瘖

同倪元公善之納涼壽芳

沿堦草軟翠流長境靜蒲荷覺夏香清坐
小亭叢竹近暫停團扇受風涼

和友人題唐明皇楊太真對奕圖

風流陣退却圍碁心醉妖妍落子遲還記
兵行南詔否輸贏應不到雙眉

京口甘露寺登眺

吹帽海風鴉背起馮夷知我酒微醺樓臺
氣磬金焦浪鐘鼓聲飛淮浙雲戈甲虎爭
餘塊石榛蕪鷗嘯幾斜曛山僧不管興亡
事清坐閒披貝葉文

陪守齋至玉湖書院作

天垂大溪碧近樹齋遠山水氣涵野色縹
緲亭數間維昔文節公孤標凜群姦飄然
兩屐齒雲岩遍躋攀此地足佳致差不遠

市闌壽峯

文節次子

顧而喜築屋娛親顏吳興

富臺榭往往攜歌鬟公獨抱書來小舟破

潺湲花淡水紋雨鳥啼人意閒讀易發妙

蘊不惟評馬班

公有易訓馬班異辭

著述五百卷星

芒照人寰天街幾繡鞍蹀躞趨豹關河來

砥柱立一老菰浦灣守齋

文節第四子今古曹郎中領

客遊秋風韻枯管戒誦舜間文徙倚蘚石

斑德人不可見月白漁舟還

題嚴子陵釣臺

渭濱一叟髮垂素西伯與之無雅故幡然

爲拾釣魚竿八極風雲生指顧先生少與
文叔游眼看日角興炎劉胡爲掉頭不肯
住垂綸依舊披羊裘周文虛已師賢哲先
武規模欠宏濶三公清坐其臺閣尊先生回
首桐江月桐江月色無古今白波蒼嶂幽
人心

題村學圖

田父龍鍾雪色髯送兒來學尚腰鎌先生
莫厭村醪薄醴酒雖醲有楚鉗

畢履和惠端硯余以大歛硯報之

佐以一詩

履和惠端硯玉質馬肝色我有大硯卧蠶
紋元是新安龍尾石持以答嘉貺聊亦見
此心極知不是雙南金未足報君綠綺琴
戒得履和硯清潤如履和天然粹德非琢
磨秋江印月平不波匣上有秋月
澄輝四字君得剛
甫硯朴鈍若剛甫不能輕捷隨人後默默
寒窓守愚魯端硯入手喜有餘展開古帖

聊學書大硯知君不負渠墨池飛出北溟

魚
畢善作
大字



國家圖書館, NATIONAL CENTRAL LIBRARY, TAIWAN, R.O.C